



LÖG
FULLTRÚARÁÐS SJÁLFSTÆÐISFÉLAGANNA Í KÓPAVOGI

1.Gr.

Sjálfstæðisfélögin í Kópavogi , sem eru viðurkennd af Miðstjórn Sjálfstæðisflokksins, sem flokksfélög , mynda með sér “ Fulltrúaráð Sjálfstæðisfélaganna í Kópavogi “. Starfssvæði Fulltrúaráðsins er lögsagnarumdæmi Kópavogskaupstaðar .

Félögin eru þessi :

Sjálfstæðisfélag Kópavogs .
Sjálfstæðiskvinnafélagið Edda .
Týr , félag ungra Sjálfstæðismanna .
Baldur , málfundafélag launþega .

2.Gr.

Verkefni Fulltrúaráðsins er eftirfarandi :

- A. Að annast stjórn á starfsemi Sjálfstæðisflokksins í Kópavogi .
- B. Að fara með sameiginleg mál flokksfélaganna .
- C. Að ákveða skipun framboðslista Sjálfstæðisflokksins í bæjarstjórnarkosningum í Kópavogi .
- D. Að ákveða stefnu Sjálfstæðisflokksins í bæjarmálum í Kópavogi , en með framkvæmd hennar fer bæjarmálaflokkur sem skipaður er :
 - 1. Þeim sem skipuðu aðalsæti á framboðslista Sjálfstæðisflokksins við síðustu bæjarstjórnarkosningar .
 - 2. Stjórn Fulltrúaráðsins .
 - 3. Ritstjóri Voga .
 - 4. Endurskoðanda flokksins við bæjarreikninga .

3.Gr.

Í Fulltrúaráðinu eiga sæti :

- A. Fulltrúar , sem kosnir eru í ráðið af flokksfélögum , samkvæmt skipulagsreglum Sjálfstæðisflokksins. Skulu þeir vera fæst 40 og flest 180 .
- B. Formenn flokksfélaganna .
- C. Aðal- og varabæjarfulltrúar.
- D. Fjármálanefnd .

4.Gr.

Aðildafélögin kjósa fulltrúa í ráðið samkvæmt ákvörðun stjórnar fulltrúaráðsins um skiptingu milli félaganna .

Skylt er stjórnnum félaganna að tilkynna stjórn Fulltrúaráðsins um tölu féлага fyrir 1. október ár hvert , A-skrá yfir þá sem greitt hafa félagsgjöld og B-skrá yfir þá sem ekki hafa greitt félagsgjald . Ákveður stjórnin þá skiptingu fulltrúanna á milli þeirra í samræmi við það fyrir næsta starfsár .

Fulltrúaráðið skal kosið árlega og skulu félögin hafa kosið fulltrúa sína fyrir aðalfund Fulltrúaráðsins er haldin skal innan tveggja mánaða frá því að félögin hafa haldið aðalfundi sína , þó ekki síðar en fyrir febrúarlök árið eftir starfsár félaganna . Gildir umboð Fulltrúaráðsmanna frá og með aðalfundi Fulltrúaráðsins til næsta aðalfundar .

5.Gr.

Starf fulltrúanna er fólgið í því :

- A. Að vinna í hvívetna að sigri Sjálfstæðisflokksins og útbreiða stefnu hans .
- B. Að afla upplýsinga um flokksafstöðu kjósenda í Kópavogi .
- C. Að fylgjast með bústaðaskiptum kjósenda .
- D. Að sjá um , að kjósendur flokksins greiði atkvæði í öllum almennum kosningum .
- E. Að vinna að sem bestu samstarfi Sjálfstæðisfélagana í Kópavogi og auka félagatölu þeirra .
- F. Að vinna önnur þau störf , er stjórn Fulltrúaráðsins leggur fyrir þá .

6.Gr.

Stjórn Fulltrúaráðsins skipa :

- A. Formenn flokksfélaganna , en í forföllum þeirra varaformenn .
- B. Formaður Fjármálanefndar.
- C. Sex fulltrúar kosnir til eins árs á aðalfundi Fulltrúaráðsins , þá skal einnig kjósa fimm varamenn . Kosningu skal haga þannig, að fyrst skal kjósa sérstaklega formann stjórnar Fulltrúaráðsins og síðan hina fimm stjórnarmennina og loks fimm til vara . Stjórnin skiptir með sér verkum að öðru leyti .

7.Gr.

Stjórn Fulltrúaráðsins hefur með höndum :

- A. Málefni Fulltrúaráðsins milli funda .
- B. Sameiginleg fjármál flokksfélaganna og Fulltrúaráðsins og umsjá eigna þeirra .
- C. Rekstur skrifstofu flokksins í Kópavogi og útgáfustarfsemi á vegum hans .
- D. Ráðningu starfsfólks .
- E. Skipun formanns og nefndarmanna í Fjármálanefnd sem annast fjáröflun fyrir flokkinn í Kópavogi .
- F. Skipun ritstjóra Voga .
- G. Skipun einstaklinga og nefnda til starfa að öðrum verkefnum en talin hafa verið.
- H. Ákvörðun fjölda fulltrúa frá flokksfélögunum í Fulltrúaráðið .

8.Gr.

Stjórn Fulltrúaráðsins heldur fundi í ráðinu eins oft og þurfa þykir . Fjórðungur fulltrúa eða fleiri geta krafist fundar . Ef stjórnin verður ekki við þeirri kröfu innan viku frá því að hún barst formanni , geta þeir kallað saman fund .

9.Gr.

Verkefni Fulltrúaráðsfunda er að ræða þau mál , sem varða Fulltrúaráðið , svo og önnur þau mál , sem stjórn eða einstakir fulltrúar leggja fyrir fundina .

10.Gr.

Þegar kosningar til bæjarstjórnar standa fyrir dyrum í Kópavogi, skal sérstök kjörnefnd starfa innan Fulltrúaráðsins. Skal hún gera tillögur um frambjóðendur fyrir Sjálfstæðisflokkinn í Kópavogi og leggja þær fyrir Fulltrúaráðsfund.

Í Kjörnefnd eiga sæti:

- A. Formaður fulltrúaráðsins, sem jafnframt er formaður nefndarinnar.
- B. Skipaðir nefndarmenn af stjórnnum flokksfélaganna, einn fyrir hvert félag og jafnmargir til vara.
- C. Fjórir nefndarmenn kjörnir af Fulltrúaráðinu og jafnmargir til vara. Formaður Fulltrúaráðsins kallar nefndina saman í fyrsta skipti.

11.Gr.

Störf fulltrúa og Fulltrúaráðs er algert trúnaðarmál og skal liggja við drengskapur fulltrúanna að halda öllu leyndu, er þar fer fram og annað er varðar Fulltrúaráðið og flokksfélögin eða starfsemi þeirra, og eigi er ætlast til að vitnist til annarra. Brjótí fulltrúi þessa þagnarskyldu skal víkja honum úr ráðinu. Brjótí fulltrúi að öðru leyti reglugerð þessa verulega, að álití stjórnar ráðsins, skal fara að á sama hátt og framkvæmir stjórn ráðsins brottvikninguna.

12.Gr.

Aðalfund Fulltrúaráðsins skal halda árlega, eins fljótt og við verður komið, eftir að aðalfundir flokksfélaganna hafa verið haldnir.

Á aðalfundi Fulltrúaráðsins skal tekið fyrir:

- A. Skýrsla fráfarandi stjórnar.
- B. Stjórnarkjör samkvæmt C. lið 6.Gr.
- C. Kjör átján fulltrúa í kjördæmisráð og átján til vara.
- D. Kjör þriggja fulltrúa í stjórn Þorra hf. Skulu þeir gæta hagsmuna flokksins varðandi eignir og rekstur húseigna flokksins og Þorra hf.
- E. Önnur mál.

13.Gr.

Lögum þessum má aðeins breyta á aðalfundi og þarf 2/3 hluta atkvæða allra fundarmanna til að breytingin nái fram að ganga.

14.Gr.

Lög þessi öðlast þegar gildi.

Ofangreind lög voru með breytingum samþykkt á aðalfundi í nóvember 1975. Þeim var breytt á aðalfundi 1991 með samþykkt þar. Og enn var þeim breytt á aðalfundi 12.10.1995. Eru þau hér í gildandi mynd 26.8.1996.

12. liður C er ekki í samræmi við lög Kjördæmisráðs frá 1982 þar sem kjósa skal einn fulltrúa í Kjördæmisráð fyrir hverja 10 fulltrúa í Fulltrúaráði eða brot úr þeirri tölu.

Ofangreind lög voru með breytingum samþykkt á aðalfundi í mars 2004 og eru í fullu samræmi við lög Kjördæmisráðs frá 23 október 2001.

Því er við að bæta, að stjórnin hefur látið eftirtalda skiptingu gilda fyrir val fulltrúa í ráðið um margra ára skeið.

Sjálfstæðisfélag Kópavogs	62 fulltrúa
Edda	17 fulltrúa
Baldur	4 fulltrúa
Týr	25 fulltrúa

Á stjórnarfundum 8-11-2005 var eftirtalin breyting gerð á skiptingu fulltrúa.

Sjálfstæðisfélag Kópavogs	134 fulltrúa
Edda	17 fulltrúa
Týr	25 fulltrúa
Baldur	4 fulltrúa

4 formenn félagna
10 aðal- og varabæjarfulltrúar